

Na osnovu člana 25. Odluke o komunalnom redu ("Sl. novine općine Zenica" br. 7/11, prečišćen tekst 2/13), člana 8. Odluke o korišćenju javnih površina ("Sl. novine općine Zenica" br. 9/99 i "Sl. novine Grada Zenica" br.1/18) i Saglasnosti Gradonačelnika Zenice od 28.06.2018. godine Javno preduzeće za prostorno planiranje i uređenje grada "Zenica" d.o.o. Zenica **objavljuje**

KONKURS

za dodjelu lokacija na privremeno korištenje radi postavljanja
reklamnih naprava na području grada Zenica, licitacijom putem zatvorenih koverti

Urbanističko-tehničkim uslovima Službe za urbanizam, imovinsko-pravne, geodetske poslove i katastar nekretnina svi datirani 26.06.2018. godine određene su lokacije za postavljanje reklamnih objekata na području grada Zenica:

BROJ LOT-a	Vrsta objekta	LOKACIJA	TLOCRTNE DIMENZIJE OBJEKTA	UKUPAN BROJ OBJEKATA	POČETNA CIJENA ZA POSTAVLJANJE JEDNOG OBJEKTA, MJESEČNO U KM
LOT-1	Osvjetljeni dvostrani reklamni pano tipa "Yumbo"	Ul. Aleja šehida (3 lokacije) Ul. Bul. Kralja Tvrtka I (2 lokacije) Ul. Bul. Kulina bana (1 lokacija)	5,00 m x 2,40 m	6	250,00
LOT-2	Samostojeća rasvjetna vitrina tipa „City light“	Ul. Sarajevska (unutar obuhvata zelenog ostrva GGM-a) od rondoa Bojin Vir do ulaza KPZ 2 (2 lokacije) Ul. Sarajevska (unutar obuhvata zelenog ostrva GGM-a) od ulaza KPZ 2 do uključenja Ulica Mehmeda Spahe i Reisa Čauševića (4 lokacije) Ul. Sarajevska (unutar obuhvata zelenog ostrva GGM-a) od ulaza KPZ 1 i uključenja Ul. Talića brdo-Mokušnice (7 lokacija)	1,30 m x 1,90 m x 0,22 m	13	90,00
LOT-3	LED BILBORD	Rondo Radakovo - zelena površina na uglu Ul. Prve zeničke brigade i Bistua Nuova	Površina led displeja od 25 m ² do 30 m ²	1	500,00
LOT-4	LED BILBORD	Rondo Mokušnice - zelena površina na uglu Ul. Sarajevska i Armije BiH	Površina led displeja od 25 m ² do 30 m ²	1	500,00
LOT-5	LED BILBORD	Rondo Stacionar - zelena površina na uglu Ul. Zmaja od Bosne i Bul. Kralja Tvrtka I	Površina led displeja od 25 m ² do 30 m ²	1	500,00
LOT-6	LED BILBORD	Bul. Kralja Tvrtka I - zelena površina ispred perona Autobuske stanice	Površina led displeja od 25 m ² do 30 m ²	1	500,00
LOT-7	LED BILBORD	Rondo kod Rudarskog hotela - zelena površina uz spojnu saobraćajnicu Ul. Branilaca Bosne i Travnička cesta	Površina led displeja od 25 m ² do 30 m ²	1	500,00

Pravo učešća na Konkursu imaju sva pravna i fizička lica koja su registrovana, odnosno imaju odobrenje nadležnog organa za obavljanje usluga reklamiranja i oglašavanja.

Svaki ponuđač može da aplicira na jedan, više ili sve LOT-ove.

Prijava treba da sadrži:

- a) Identifikacione podatke ponuđača i to za fizičko lice: prezime, ime jednog roditelja i ime, adresu i broj telefona, a za pravno lice : naziv, sjedište, adresu, broj telefona i ID broj
- b) Aktuelni izvod iz sudskog registra za pravno lice, odnosno odobrenje nadležnog organa za obavljanje predmetnih djelatnosti za fizičko lice
- c) Dokaz o izmirenim poreznim obavezama i doprinosima ponuđača (Potvrdu Porezne uprave o izmirenim direktnim porezima i doprinosima iz plaće i na plaću i potvrdu UIO o izmirenim indirektnim porezima)
- d) Potvrdu banke da račun ponuđača nije bio blokiran u posljednja tri mjeseca
- e) Cijenu za jedan objekat u okviru LOT-a i ukupnu cijenu za sve objekte koji su bili planirani da se postave u sklopu LOT-ova 1 i 2. Podrazumijeva se da ponuđač dostavljanjem cijene za jedan objekat aplicira za postavljanje objekata na svim lokacijama u okviru LOT-ova 1 i 2
- f) Dokaz o uplati troškova za učešće na Konkursu u iznosu od 50,00 KM po jednom LOT-u uplaćenih na transakcijski račun JP za prostorno planiranje i uređenje grada «Zenica» d.o.o. Zenica broj: 134-010-0000139121 otvorenom kod „ASA banke“ d.d. Sarajevo
- g) Dokaz o uplati sredstava na ime garancije za ozbiljnost ponude za svaki LOT u iznosu 10% od ponuđene cijene za svo predviđeno vrijeme trajanja ugovora za LOT 1 i 2 za četiri godine, a za LOT-ove od 3 do 7 za sedam godina na transakcijski račun JP za prostorno planiranje i uređenje grada «Zenica» d.o.o. Zenica broj: 134-010-0000139121 otvorenom kod „ASA banke“ d.d. Sarajevo. Sredstva ostaju na transakcijskom računu Javnog preduzeća za prostorno planiranje i uređenje grada „Zenica“ d.o.o. Zenica do dana zaključenja ugovora sa izabranim ponuđačem.

Tražena dokumentacija mora biti dostavljena u originalu ili ovjerena kopija, ne starija od tri mjeseca od dana podnošenja ponuda.

Konkurs će se objaviti u listu „Dnevni avaz“, a pismene prijave na Konkurs podnose se najkasnije do 16.07.2018. godine do 12 sati, na adresu: Javno preduzeće za prostorno planiranje i uređenje grada «Zenica» d.o.o. Zenica, Ul. Mehmedalije Tarabara br. 15, Zenica. Ponude treba dostaviti u jednoj zatvorenoj koverti sa naznakom „Ponuda na Konkurs za dodjelu lokacija za privremeno postavljanje reklamnih naprava na području Grada Zenica–ne otvarati“, sa naznakom LOT-a, odnosno LOT-ova na koji ponuđač aplicira.

Ukoliko ponuđač aplicira na više LOT-ova potrebno je dostaviti jedan komplet dokumentacije koja je tražena u tačkama a) do d), a u odvojenim kovertama sa naznakom svakog LOT-a, ponuđenu cijenu za taj LOT, dokaz o izvršenoj uplati troškova za učešće na Konkursu za taj LOT i dokaz o uplati depozita za ozbiljnost ponude za taj LOT.

Javno otvaranje ponuda održat će se istog dana, 16.07.2018. godine u 13,00 sati u prostorijama Javnog preduzeća za prostorno planiranje i uređenje grada «Zenica» d.o.o. Zenica.

Otvaranju ponuda može prisustvovati ovlašteni predstavnik ponuđača.

Provođenje Konkursa, javno otvaranje ponuda, analizu ponuda i prijedlog izbora korisnika javne površine sa kojim će se potpisati ugovor o korištenju vrši Komisija za provođenje Konkursa. Prigovor na Odluku o izboru najpovoljnijeg ponuđača može izjaviti svaki učesnik na Konkursu pismeno Gradonačelniku grada Zenice u roku od 5 dana od dana prijema Odluke o izboru najpovoljnijeg ponuđača.

Uslov za izbor najpovoljnijeg ponuđača je blagovremena i potpuna prijava najmanje jednog ponuđača za svaki Lot iz Konkursa. Nepotpune i neblagovremene prijave se neće razmatrati.

Kao najpovoljnija ponuda smatra se ponuda sa najvišom ponuđenom cijenom u odnosu na početnu.

U slučaju da dva ili više ponuđača ponude istu cijenu za jedan LOT prednost ima onaj ponuđač koji je ranije dostavio ponudu za Konkurs na protokol Javnog preduzeća za prostorno planiranje i uređenje grada "Zenica" d.o.o. Zenica

Sa najpovoljnijim ponuđačem koji dostavi potpunu prijavu i ponudi najvišu cijenu zaključit će se ugovor o korištenju javne površine, na period od 4 godine za LOT – 1 i LOT - 2, a za LOT – 3, LOT - 4, LOT – 5, LOT – 6 i LOT-7 na period od 7 godina, u roku od 7 dana od dana donošenja konačne Odluke o izboru najpovoljnijeg ponuđača.

Nakon potpisivanja ugovora sa najpovoljnijim ponuđačem izvršit će se povrat uplaćenih sredstava na ime garancije za ozbiljnost ponude ponuđačima.

Ponuđač koji bude odobran kao najpovoljniji ponuđač obavezan je u roku od osam dana od dana zaključenja ugovora podnijeti Službi za urbanizam, imovinsko-pravne, geodetske poslove i katastar nekretnina Grada Zenica Zahtjev za izdavanje Rješenja o urbanističkoj saglasnosti za korištenje dodijeljenih lokacija i pribaviti sve potrebne saglasnosti komunalnih ili drugih javnih preduzeća za postavljanje, odnosno izmještanje postojećih infrastrukturnih objekata te je obavezan da finansira troškove priključenja na elektroenergetski sistem i priključenje LED BILBORDA na vlastito brojilo, odnosno elektroenergetski sistem drugih reklamnih naprava. Za dobijanje rješenja o odobrenju za građenje za postavljanje LED BILBORDA potrebno je dostaviti svu potrebnu projektnu dokumentaciju izrađenu od ovlaštenog preduzeća na uvid Službi za urbanizam, imovinsko-pravne, geodetske poslove i katastar nekretnina Grada Zenica.

Grad Zenica će zaključenim ugovorima o korištenju javne površine radi postavljanja LED BILBORDA za svaki objekat za LOT 3, LOT 4, LOT 5, LOT 6 i LOT 7 usloviti da vlasnik bilborda omogućiti Gradu Zenica, bez naknade, ukupno 3 minute za obavješćavanje i dnevno informisanje za potrebe građana Grada Zenica u svakom satu od 24 sata emitovanja sadržaja na bilbordu.

Urbanističko-tehnički uslovi Službe za prostorno uređenje od 26.06.2018. godine kojima su određene predmetne lokacije i karakteristike reklamnih naprava mogu se pogledati u Javnom preduzeća za prostorno planiranje i uređenje grada «Zenica» d.o.o. Zenica, u kancelariji 104.

Javno preduzeće za prostorno planiranje i uređenje grada "Zenica" d.o.o. Zenica na prijedlog Komisije uz suglasnost Gradonačelnika zadržava pravo da u svakoj fazi postupka, do konačnosti odluke o izboru najpovoljnijeg ponuđača, isti poništi.

U slučaju da prvorangirani ponuđač koji je odlukom o izboru izabran kao najpovoljniji odustane od zaključenja ugovora Javno preduzeće za prostorno planiranje i uređenje grada "Zenica" d.o.o. Zenica zadržava pravo da zadrži uplaćena sredstva na ime garancije za ozbiljnost ponude tog ponuđača, i u tom slučaju će poništiti konkurs, a ostalim ponuđačima vratiti uplaćena sredstva na ime garancije za ozbiljnost ponude.

Sve informacije vezane za Konkurs mogu se dobiti na telefon 032/460-926, kontakt osoba Balić Vildana.